

السيد الخضرى

علامة استفهام

أشعار

الطبعة الأولى 2017

بطاقة الكتاب

المؤلف : علامة استفهام
المؤلف : السيد الخضرى
التصنيف : اشعار
رقم الإيداع : 2018-4321
عدد الصفحات : 100 صفحة
رقم الإصدار الداخلي : 129

تاريخ الإصدار الداخلي : فبراير 2018 طبعة أولى
الإشراف الفنى لجمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الد- 13 - قطار 304

الإهداء

الي عزيزتين علي قلبي
وفاء - رسمية
تمنياتي لكما بالخير والسعادة
ودوام الصحة والعافية
ولكل من يقرأ حرفي
أتمني أن اكون علي مستوي قراءتك
الي كل شهداء مصر والوطن العربي. تغمدكم الله برحمته
واسكنكم فسيح جناته
الي مصرنا الحبيبة دمتي بكل الأمان والسلام والتقدم
السيد الخصري

رساله إلى قلبى

بعد التحية وبعد السلام
ببعت رساله بكل احترام

ازيك ياقلبى طمنى عليك
يارب تكون بخير وتمام

اسف ياقلبى ف القسوه عليك
ولما حرمت من كل الغرام

اصلك عارفنى مش وش نعمه
وشغل المحبه ودور الهيام

لا كنت كارهك ف يوم او ناسيك

ولا يوم فكرت بشئ م الحرام

بس الظروف بتحکم علينا
تخلی نهارنا كأنه ظلام

ما فيش داعى تسأل حبيت ولا لأ
لأن الحب مش بس كلام

فاكر ياقلبي وانت معايا
والحب متعلق ف صدورنا وسام

فاكر حكاوى ايامنا الجميله
والضحكه شمش بتنور غيام

سبتك بعقلی قبل الضیاع
ویارتنی ف بعدك عینی انام

والفكر شارد فى كل الساعات
ومشاعرى الفياضه قمة زحام

حبك كان بعد فوات الاوان
عشان كدا هبعد بسرعه أوام

سامحنى ياقلبى لأنى مسامحك
مافيش حب صادق بدون التزام

صوره ف خيالى

زمان وانا كنت وحدانى
 رسمت صورتها ف خيالى.
 وفضلت هى ملازمانى
 تحكىلى واحكىلها باحوالى.
 بصراحه الصوره عجبانى.
 ومعايا فى كل ترحالى.
 اغنىلها وتسمعى تقول تانى.
 نسيت حزنى نسيت حالى.
 ونسيت انه اصلا حلم ف منامى.
 لا انا رسام ولا مطرب بموالى.
 وصحيت عل صوتها ينادينى.
 معقول الفرح يكون جالى.
 دى حقيقه صورتها ببتحرك وقدامى.
 وسنين منتظره لسوالى.
 روحه عليها اجرى اوام.

لاقيت حاجه توقفنى ف اوصالى.

كرهت الحلم اللى انا حلمته

من صورته كانت بتحلالى.

ورجعت اعيش وحدانى

من غير الرسم فى خيالى.

ألم

وجع القلوب نبضات
نبضه بتحيينا.
ونبضه تذكرنا.
بماضى عدى وفات
احساس يموتنا
فى وقت خلوتنا
وتنهيدة فيها أهات
ومين هيسمعنا
ويداوى أجاعنا
غير نظره للسموات
ونقول ياربنا
يا عالم بهمنا
أوجاعنا داويها
وبدلها بالبسمات.
ليالينا بنسهرها
وأفكارنا ندورها

تتلخبط الحسابات.
وادی دنیتنا
متعبه فی صحبتنا
فرحتها یدوب لحظات.
یاما عیناها
وکتیر عاتبناها
ویاریتها تقول سلامات.
تعبنا ف قاموسها
ودورنا ف کراسها
جرحنا فیہ کتابات.
اشعارنا کتبناها
وهمومنا حکیناها.
ودققنا فی القافیات.
وکل قافیہ بألم
ودمعه ف جرة قلم
والقلب فیہ متاهات.

الهم مصاحبنا
حالف ليغلبننا
وعمرى أملى ما مات
يارب قويننا
بعزيمتنا خليننا
أسعد المخلوقات.

آسف يادنيا

اسف يادنيا وحقك عليا
ديماً بهينك وانتى الضحيه

بس وعد مني هبطل أذيه
ودوري زى الطاحونه واعجني فيا

واستقوي براحتك وكوني عفيه
حوشت هموم كثير وبقيت من الأثريا

وعازمك عل حفله ملوكي تسمحيلى بالرقصه ديا
حالف ليكونلك نصيب وده م الوفاء

ولو شايفه ذرة فرحه اخطفها من عنيا
الحزن ملك الحفله من أوفاء الأصدقاء

فتش عل سر بينكم باع ضميره بقرش ليا
والغش والخداع شايفهم سكرانين فى صالون الأغبيا

الغش يقول ياظالمه وخداع لأ دي مفتريا
قولت حرام عليكو ظالمين الأبريا

قالوا حرام عليك دي احكامها كتير قويه

وشايفه مين وراكي الكذب ابو الدهاء
سألته فين رجلك قال حالتي مستعصيه

وانتيمتك النداله فاكره اطباعها ذكاء
واجهتها بالحقيقه قالت دنيا خاينه وليها الأولويه

أدي اصحابك يادنيا أحسنهم ينفع وباء
مصدومه ليه ياحلوه وماشيه مداريه

الحفلة مانتهتش والرقص والغناء
أمسكي نفسك يا جامده دانتى ياما هدمتى فيا

تعجبني دى

تعجبني البنت من توبها
ودليل أخلاقها في أسلوبها

ولو عايز اتجوز أنا أدور
علي أبوها ومنه أطلبها

تعجبني البنت في مشيتها
دا دليل هدونها ورزانتها

دا أمان المركب في مرساتها
ولو عايزه تطلب وتتكلم

ميت مره تفكر في كلمتها
تعجبني البنت في اسدالها

وسجاده مفروشه قدامها
ناسيه ميكابها وجمالها

شاكيه لربها حالها

وأمها راضيه بتدعيها

تعجبني البنت في بيتها
ظاهره انوثتها في طبيعتها

محترمه لرب أسرتها
مطيعه مساعده لمامتها

شاب النهارده مش لونه
ومحترم يجي لخطبتها

تعجبني البنت في تقديرها
بحلالها يكون مالي عينها

ولا نظرة عين تشوف غيره
ولا كلمة حب غيره ينولها

وبكده تكون على دينها
وربها كمان راضي عنها

أتمني ف زمانا انا اشوفها
ويطمن قلبي ف كسوفها

وماتقولش بيئتها وظروفها
في اعمالها ربنا يشوفها

وتكون أم لأجيال
ويطلع جيل يشرفها

وبعد هالك يابلد

ألوم عليكى
والا على الولد
ان كنتي أمى
ماهو برضو فلذة الكبد
حلمه بسيط
ولو اتكلم
يتقال عبيط

وأخرة مايزهق
يخبط دماغه فى أعلى حيط
انا مواطن بسيط شقيان
بس مش غلبان
فى أكل عيشى
بدوق العذاب ألوان
عايز تحلم؟ أحلم
حتى الحلم مالوش معايير
انا احياناً بحلم
طير فى السما زى العصافير
وفى أوقات حلمى بيكون
أعمق شئ تحت فى بير
ولا عمرى اتحكمت فى حلمى
ولا بدقق فى التفسير
خليها على الله
لان الواقع مسجون واسير

مالك يادنيا

ليه كل حاجه حلوه
عايزينها ليه بتروح
والدنيا واخده في وشها
وريحة غدرها بتفوح
مالك يادنيا ومالنا
ليه نازله فينا جروح
كاسره فينا الأمل
ومموته جوانا طموح

نمشی عدل و نتعدل
بصراحه و بكل وضوح
برضو مش عاجبین
تقول لأ مش مسموح
جوانا ألم و غیظ
بس ازای نقول و نبوح
یارب یاخالق الكون
یاخالق الجسد والروح
فك الكرب
واجعل باب رحمتك لینا مفتوح

ثوار ضد التيار

تعبنا وتعبت افكارنا
مابين حاكم ومعارض
مابين هديتنا وضلالنا
وايه أخرة المشوار ياثوار
ياللي كأن بينكم وبين الوطن تار
مظاهرات وهتافات فيها شعار
بتقولوا حي علي الانتصار

هو ده في نظركم العمار

حد يجاوبنى حد يريحنى بكلمه
تحلى شوية المرار
انا والله خلاص مليت
وكليت من الحريه والأحرار
لا بقا في ثوار ولا احرار
كله ماشي مع التيار
لو كان ده رأيكم في الحريه
يبقا نادولنا الاستعمار

الحريه رأي نقوله ورأي نسمعه
من غير زعل ولا استنفار
ورأي ناخذ بيه
وسيبيوكوا بقا من الاستهتار
حيرتونا وتعبتونا
اثبتوا مره علي القرار
خليتوا الحضاره شوية احجار

والثقافة شوية اشعار
والحوار بقا علي نار

واقتصاد وطننا خلاص انهيار
ومبقاش في أيدينا
غير الدعا والاستغفار
وأهي مصر واقفه ومدالكم ايديها
والشعب واقف ورافض يسلم عليها
وكأنه معجب بالدمار
اللي كان في الأصل خضار
وكمان عايز يقطع الاشجار

اللي اتغرست واتسقت
بدم الشهدا الابرار
وانت ياثاير ليه عنيد
ليه مش عايز الاستقرار

عائزها تبقا خضرا
وتحلف بسماها وبترابها
ابدأ بنفسك وخوض يلا الاختبار

وان مانجحتش
يبقا ليك مني الاعتذار
وانت شاهد يارب عليهم
بحظمووا وطنهم باليدهم
قادر يارب تهديهم
انت الواحد القهار
الثوره كانت بلسم
يطيب الجراج كانت بسمه
ترسم مستقبل الافراح
صبح البلسم مية نار
والبسمه صبحت صرخه لأم
ابنها وسط الزحام راح وانا محتار

اصدق مين واكذب مين
ماهو كله بقا زمار
والصوت خرم الأودون
والحق بقا مدفون
ياوليكم من غضب الاله
واللي كمان هيكون
يمهل ولايمهل ده غضبه شديد جبار

انا كلامي منتهاش
طول ماكلامكم ببلاش
بس لو شوفت فعل
انا من الكلام هنعاش
واسمع كلامكم ذي الشطار
وفي النهايه مش هستهزء بحكومتنا
ولا ههين أمتنا
بس هقول يااتحادنا بقوتنا

یانعیش عبید طول دنیتنا

ولیکم انتوا الاختیار

ولیکم انتوا الاختیار

ناس وناس

كل واحد شاييل حمل
يدوب قادر عليه

كل واحد عنده هموم
ربه وحده عالم بيه

ويقول ده كله كثير عليا
ودنيا رافضه المسؤليه

ومين وحده هو الضحيه
وناس مش فاهمه بعضها

وناس بتحب بقلبها
وناس سلبيه في رأيها

وناس عايشها بطولها
وعرضها

كوكتيل هموم من كل نوع
اسمع لناس وانا مش مسموع

افرح لناس وانا الموجوع
مالك يادنيا ايه الموضوع

عيني ماعدش فيها دموع
ماشيه عكس سكتي
وجابراني عل الرجوع

حالف لاكمل كلمتي
ونصيحتي عل قد محبتي

ومهما تكون قسوة حبايبي
دول برضو هما فرحتي

إنّتى مين ؟!

ممکن اعرف انتى مين

انا ام الملايين
وذكرنى رب العالمين
وفى كتابه قال عنى
ادخلوها امنين
انا الحضاره والعراقه
اللى من آلاف السنين
وياما ديما اتسرق
وشكلونى النحاتين
بكل لون وكل شكل
عل هوا النصابين
لكن اصالتى بطبعها
ماينفesh تكون اتنين
وكل ماالظلم يزيد
انادى فين صلاح الدين
انا المكسوره بهمها
يصعب عليا فقير حزين

عل لقمة عيشه ودمعته
عل هدمه شايله رق طين
عل ناس ف عطشها بترتوى
بدم ناس عینی مكبوتین
انا بهیه انا صبیہ
انا بتعه وأسأل امین
مهما اقول مايكفیش
لو میت كتاب مكتوبین
لو عایز تعرف انا أبقي مین
اسأل الجوامع والكنایس
والإعلام والمدارس
إم الدنيا دی تبقى مین
هیعرفوك ویفهموك
كانت الخزینة فی ارضنا
وقاهرین أعداء طول عمرنا
ویشهد سلالة المعتدین

وليا جيش في قوته
يحميه ربي من كل عين
وفيا جيل بعد جيل
بحب حب المخلصين
ولو سارقيني يكتفو
تشوف صناعتي فوق الصين
انا طيبه ممزوجه بمحبه
وليا شباب متغربين
نفسى احضنهم نفسى اغمرهم
وفى خيرى يكونو مرتاحين
عرفت يابنى انا أبقي مين
عرفتك يااما يابهيه
عرفت يامصر يابهيه
ولازم اقول للموجودين
قولو معايا
تحيا مصر

تحيا مصر
يحميكي ياما م الحاقدين

مشتتين

غبت كثير ومش راجع
اقول من تاني دي بلادى
مش كاره نيلها اوطينها
انا كاره فيها جلادى

وخلص مش فارقہ وییا
 ولا صحره تشبه الوادی
 وسنین غربتنا بتمر
 وبالنسبالهم شئ عادی
 مواوینا یاما غنوها
 بلاد العرب اوطانی.
 یتسرق خیرها ویاکلوها.
 و مین فیها کان جانی
 بایدیهم یقتلوا قتلنا.
 واحزانا کأنها تهانی.
 یاشمس النخوه لا تغیبی.
 قبل ماتنوری اوطانی.
 یاعلم الحق لیه تایه.
 مابین داعش وایرانی.
 و بین اسد یقول حقی.
 ومسلم بورما بیعانی.

شعراء الامه بينادو
والناس فاكرينها دى اغانى.
تخطيط الغرب بيعشش.
فى بلادى بينوها مبانى.
ولسه الجهل مشتتنا
ما بين حوشى واخوانى.
فى عنكى يالامه تنهيده.
بتحكى كل احزانى.
الفتنه ياناس بتضل.
مش كل سجين كان جانى.
كلماتى انا اللى كاتبها.
ولا خوفت من موت لو جانى.
انا السيد انا المصرى.
انا الواثق فى ايمانى.
انا بقوة أله اكبر.
احارب كل عدوانى.

حاسه بيا

حاسه بيا ؟

انا حساس بيكي

ردي عليا الله يخليكي

ليه سيبانني اتلطم فيكي

وكل يوم دمعي بيرويكي

ودمي علي حدودك يفديكي

سهران في ليلك بحميكي
وروحى ياغاليه بين ايديكي
ياتري يأمى ده يكفيكي ؟

والله ياولدي انا عذراك
لكن ايديا مكتوفه
ومن اولادي مكسوفه
حتى الاماني محدوفه
لكن انت ولدي وانا حباك .
لو انا ورده انت الربيع بتحيني
ولو انا سما انت النجوم تحليني
وبالمناسبه انت أملى ونور عيني .

إيه ذنبى يأمى اكون طرف
والنخوه بتتباع بالقرف
وسياسه عديمة الشرف

والراجل فيها ده بنسبالهم منحرف

عارف ياولدي عندك نخوه

وجدع وأصيل

انا عارفه كل واحد

البطل من العميل

اللي ببسرق في خيرى

ومعيش غيره ذليل

وعارفه انك ضحيه

وحملك ياولدي تقيل

فاكره ياأمي ثلاثه وسبعين

والشرف والنخوه والمخلصين

وعلمك علي ارضك

بيبعت رساله للأعداء المعتدين

الأسلام دين السلام

ودي عقيدة المسلمين

فأكره كل حاجة
بالتاريخ والمكان
وفأكره كمان اولادي
الشهدا والشجعان
ولسه سينا بتناديك
اديه يا ولدي كمان

يا أمي طبك عليل
ومين يداوينا
ومهندسك الشاطر
بيهدم مبانينا
حتي زرعك
بدل مانجنيه هو بيجنينا

سبيك يا ولدي من الكلام والتفاهات
شق طريقك خليك بطل الأنجازات
اصنع ازرع عمر دانت ابن الحضارات

بحبك يا أمي
وعمري مانسيت افضالك عليا
حكيتلك من كتر همي
وجرحي طيبته بايديا
فامتز عيش
وبلاش اشوف في عنكي
دمعه جوه مداريه
دانا لو هموت
تعيشي انتي عزيزه وقويه

تاهت المعالم

وتاهت المعالم والأم تدعي لابنها ربنا يرجعك يا بني لينا سالم

حتي الحرامي بيدعي في سرقة يارب استرها ورجعني من

سرقتي غانم

وانا بدعي لوطني ربنا يحميك يا وطني من كل فاسد ظالم

عملوا محكمه بس مجرد روتين واحنا كلنا عارفين في ناس

من المسؤولين

في حلف اليمين يقول اقسم بالله العظيم اكون علي ارض

الوطن امين

لكن اللي في النيه علمه عند رب العالمين .

النية تقول ؟؟؟؟

لا لا والف لا حلفت اليمين بلا، لا اصون الوطن ولا احمي

المغالاه

ولا اخون العهود واتفاقية الاعداء ولا يهمني صوتكم ولا كتر

الأوفياء

ولا يهمني فقير مات من المعناء ولا يهمني غني فلوسه في

بنك من الغرباء

ولا اسيب منصبي لو فيها بحر دماء كل اللي يهمني اعيش

عيشة العظماء

نداء الي الشهود المكرمين

اخبرونا ماذا رأيتم عن هولاء المجرمين؟

وقف الأول

وادي القاضي بيضه وقاله اكسر ها انا عايز أكل الكتكوت

قاله لو كسرتها الكتكوت هي موت

قاله طب قولهم ليه ماستنوش لما الموجه تفوت

دانا بيعدي علي ايام مش لاقى فيها القوت

وبيجي عليا ساعات ونفسي اصرخ باعلي صوت

يأناس حرام سيبوا رزقي علي صاحب الملكوت

التانى!!

جابه للقاضي قفص جواه عصفور مسجون
وقاله افتحه طار العصفور خبط في مسمار مات مطعون
قاله شوفت ياقاضي حرية الجنون
هما دول اللي خلوا الامل مدفون
ودول اللي خلوا اقتصاد الوطن مكنون
احكم ياقاضي بضميرك وانسي صغرة القانون
وقف اللي بعديه في سكات
القاضي/ قاله اتكلم ولا ضاعت الكلمات
قاله ياسيادة القاضي انا شوفت الف واحد مات
وشوفت دم بينداس عليها بالمدسات
وشوفت جنود شهداء وجسمهم فيه رصاصات
وقريت كام جريده فيها منشئات
وسمعت التلفزيون يقول ده كله كان اشاعات

والله انا محتار الدنيا لسه بخير ولا ده عصر المعجزات؟
 احكم ياقاضي وبعد حكمك مافيش كلمات
 حكمة محكمة الخيانه علي الخائنين
 بالعيش الأمن دون تخوين
 وتحديد محل اقامتهم في جنات النعيم
 اصدرت القرارات فابدعت ادهشت الحاضرين
 خرجت بره وكائي كنت انا في غربه
 ليه يابلدي ليه العيشه بقت كربه
 ليه كل وجهة نظر محطوطه في قربه
 ونشوف بحر الدماء وكأنه طبق شربه
 الدم ده دمي غالي قوي بيداس في التربه
 عايز اكتب عن وطني وامدحه
 بس ازاي اقول شعر وامدحه
 والكل معاه سكين وبيدبجه
 لومش عارف تاريخ وطنك امسك كتاب التاريخ وافتحه
 شوف ابن العاص لما دخل بالاسلام يفتحه!

وشوف يوسف لما اتسجن والحكم كان مطرحه!
وكل قائد عظيم الوطن ده كان مسرحه!
وكل عالم دين الوطن ده منبره القران يفسره والحديث
يشرحه!

وكان وطني لكل عدو مقبره ومشرحه!!
ليه تيجي انت النهارده بجهلك للتاريخ تمسحه!!!
خلي عينك علي وطنك ذي نسر في السما يشوف غريمه
علي الارض يلحمه
لو عايز تخدم وطنك قول لا للدماء لا للتعصب يمكن يمكن
تفرحه

يا بلدي ليكي جمائل عليا بس ازاي اوفيكي
يا بلدي شايفك بتتهاني ومش عارف احميكي
يا بلدي شايلك الخير واتمني ان انا اديكي
يا بلدي في طريقي جبل اسمه سياسه نفسي اهدمه واجيكي
لوحتي هموت بعدها بس اموت بين ايديكي!!!!!!

لحظة حب

نفسی اضمک بین رموشی

عشان غیرک عینیا

مایشوفوشی

ویاریت الناس علیکی

مایسألوشی

لأني هکذب واقول

القمر لأ

ماشوفتوشی

بس یاریت قلبک

علیا یبقا هین

وعلی نن عینی

یبقا لین

حتی لو جرحتی فداکی

بس انا عارف

قلبک حنین

عارفك هتقولي
ده شاعر وحساس
وهتقولي ده بيقول
كلام وخلص
وفيها إيه
انا مش زى
زي كل الناس
لوانتي قلبك دهب
انا قلبي كمان من ماس
قولتيلي مره بحبك
تحت قمر وناس
وفي قدر كان من دهب
فيه الحنان بمقاس
عملت فيها تقيل وقولت
القدر شكله نحاس
ماخدتش غير قسوتك

وبجفا قلبي انداس
ليكي انا بعذر
وكفايه مرار من الكاس
يادمعة عيني قوليلها
خلاص بزياده
ده العمر كله ايام
ولا فيه ولا لحظه أعاده
ولو اخر لحظه في عمري
هدعيلك
ده الدعا برضو عباده

الساقيه

بطلتى ياساقيه تلقى

ولفت بينا الايام
ايامك ليه ماطالتش
وغيروكى قوام
فى التراب دفنوكى
وفلاحنا روح نام
والخير ف ارضنا قل
حزمه المرض بحزام
والحكم على محاصيلك
كان حكم بالاعدام
حتى باعوكى ياغاليه
ما قالوش باعوكى بكام
ياريتهم سابوكى ف حالك
وحمارك فضل بلجام
لا كان دا حال زرعنا
ولا كان جينيها عام
ياريت يكون دا كذب

او حتی یکنون احلام

برود وطنی

برود وطنی حل فینا

والحراره صوت وبس
 والقلوب جوه سجينه
 والاخلاص مالهوش حس
 والعيون دى مش فاهمها
 ياترى نايمه ولا تبص
 والايدى الممدودين
 عايزه تساعد ولا تقص
 تايه بجد فهمونى
 قرآن. دا فعلا ولا رقص
 والحق ليه تاهت معالمه
 وبقيت بشوفه كله هجص
 والاسد ليه اتهدم عرينه
 ومبقاش محصل حتى برص
 تعالو نفهم واحده واحده
 وراعو فكرى البسيط
 ولا بحلف ولا اقول اذار

لا انا متخلف ولا عبيط
ولا عمرى بطبل لسياسى
ولا فى وسط الزحمة بظيظ
اعتبرونى ابسط فلاح
وكل يوم من بيتى للغيط
ودماغى فيها عقل بفكر
وماتقوليش اخبطها ف حيظ
ليه اشوف مسؤل بصعوبه
وعاملى فيها ذكى وحويظ
وف انتخاباته كان شاغلنا
وكان واعدنا بالتظبيط
طبعاً كله كان اونطه
اسف ما قصدش التخبيط
بس باعلى صوتى انادى
من بحر ويابس اومحيظ
يا ولالة الامر منا

ياتنسونا ياتلحقونا
قوللنا الحق ورسونا
احنا اولادكم ولا لقيط
زهقنا بجد
زهقنا فعلا من التنطيط
زهقنا فعلا من التنطيط

مسحراتى

مسحراتى داير ليلاتى
يطبل يقول ف ليل رمضان
ياناس يانيمه سفرتكو دايمه

وسحوركو بركه من الرحمن

اصحى ياشكرى وصحى فكرى
الطبله تصحى كل نعلان

وعشان مانسعد والشر يبعد
لازم نصلى على العدنان

بركات ورحمه والخير ف زحمه
ومن الشيطان الناس ف امان

رمضان كريم وخير ونعيم
تنتظره الناس فى كل اوان

لو فينا داء صيامه دواء

والفرحه بيه فى كل مكان

فى حاره وشارع والكل سامع
الطبله قبل كل اذان

من نومنا نصحى وصلاتنا تحلا
بصلة الفجر تكون كسبان

وكل سنه فى خير وهنا
بلغنا يارب شهر الاحسان

حال الدنيا

شایف الدنيا شاده حیلها.
والحظ کمان معاند.

وشایف الناس اتقل خیرها.
والمنافق حیلہ شادد.

ناس مكبوته ف عز ليلها.
وناس بترقص ف الموالد.

شاي ف السما تطرد ف طيرها.
والفقير ناره قادت.

قولولى الورده ايه مصيرها
لو حرقوها وكله وارد.

طبيعى النجوم تظهر ف ليلها.
بس الصيف مايكنش بارد.

كلمة حب سهله جدآ
الاخلاص جواها شارد.

خلاق عايشه بدون ضميرها.
وصمت قلوب بجناحه فارد.

حبيب الدنيا يعيش ذليلها.
وانا بكون لربي عابد.

اطلع من حفره الاقى غيرها.
بشكر ربي واكون له حامد.

يا اهل الفلوس حلو حلالها
والقلب ع الفقير مايكنش جامد

الدنيا فانيه ليه ماأمنتش بزوالها
ساعد غيرك وف الشده كن له ساند

ازرع طيبه تثمر خضارها

تشوف الخير تكون له حاصد

قولت الكلام والحروف جمعتها
وبالاحترام وبالسلاام ايدى مادد

أمى

فاكر يااما ومانستشى
وبدعيلك وعينى دموع
كنت صغير وماعرفشى
ولا لسه قلبى بقا موجوع
والله فاكر ومانستشى
وكلامك كله كان مسموع
تصحى ف ليالك وقلقانه
تشوفنى يمكن اكون مكشوف

ف الشتاء وانتى بردانه
وانا فى كام غطا ملفوف
مين زيڪ يحبنى يااما
وعليا قلبه يكون ملهوف
انا اللى ملهوف لرؤياكى
ياامى يااجمل تلت حروف
تودعينى وانا مسافر
بعنيكى كنت بشوف الخوف
العطف بعدك مالوش معنى
والحب كأنه مش معروف
العمر لو بيتباع يااما
كنت اشتريتلك منه ألوف
لكن يااما انا مؤمن
وعارف ان الاجل مكتوب
ومهما نعيش ف دنيتنا
لا يمكن من اجلنا هروب

وحشاني يا امه
من زمان ماشوفتكيش
وكل يوم بقول هشوفك
فى المنام مابتجنيش
خلاص ياغاليه
بعدك انتى خلاص ماليش
نفسى اجيلك او تيجينى
بدونك مش قادر اعيش.
انتى الوحيدده المخلصالى
والباقى كله مافيش.
يااول حب فى قلبى انا
واول كلمه ماتتنسيش.
كنتى ديمآ تسمعينى
ولا قولتى شئ مايرضنيش.
ساعة وفاتك صرخة صرخه
وقولت ماتفرقنيش.

لكن وقتها كان خلاص
انتى يامه ماسمعتيش.

رحمة الله عليكى يا اghلى مارأت عينى
كلماتى من نبضات قلبى بقلمى

الشيطان رافع قضيه

الشيطان رافع قضيه
قال متهمنى بالاذيه
كان زمان يقولها ليا
عيش بكامل الحريه
امشى بقا عنتر زمانك
ولا تخاف من دوريه
ولو قابلك اى ضابط
هو اللى يدريك تحيه
وانسى زمن الوسايط
هنخليها يابنى اجتهاديه
وكرامتك تبقا فوق دماغنا

دى عندنا ف الاولايه
 والدنيا يابنى هتبقا حلوه
 والعيشه هتبقا ترفيهيه
 وحبه حبه بقيت بلاقى
 اللى يموت مالهوش ديه
 كله فشك راح اونطه
 والمشكله هى هى
 ولما قولت بالعلى صوتى
 الظلم واضح ميه ميه
 قام الشيطان رافع قضيه
 قال متهمنى بالالاديه
 وجاب ابليس يحكم مابينا
 شهد عفاريته المصلحيه
 وبالادله طلعت جانى
 والشيطان هو الضحيه
 بس الناس عارفه حقيقتى

والشيطان ابن الجنييه
ياترى الناس هتقول الحق
ولا يخافو المسؤليه
مش هقول انا المظلوم
روحي فداكى يا وطنيه
الله ربى مالى سواه
شاهد وعالم ايه النيه

حیرنی حبیبی

احترت ویا حبیبی
واحتار کمان قلبی

لا قدره اقول نصیبی
ولا احدد کمان دربی

ياهل ترى ياغالى
ايه آخرة الاشواق

سهرت انا لياالى.
اكتب على الأوراق

واتلخبطت احوالى
وبقيت من العشاق

وان قولت وانا مالى
ماقدرش انا يافراق

قولولى يا اهل الهوى
لو كان حبيب غايب

بس ف ايده الدوا
والقلب فيه دايب

وكلامه بالملتوى.
وأسلوبه بعجايب.

وان سألته ف يوم

يلاعبنى بالشايب.

تعبنى فى محبته.
عيشنى فى غرايب

اقوله صافى يالبن
يقولى اللبن رايب

هقتله واسلم نفسى
دا الحب مش جايب

واروح للقاضى واقوله
قرارى كان صايب

خلى الحب حبه حبه

خلى عيون الناس بعيد
الفرح جاى مالوش أمان
ولحظه الجرح يكون شديد
خلى الشمعه مداريه
زمن الحب يكون مديد
شوفة حبيبك تسعدك
وكأن قلبك يومه عيد
تنسى ذكرى كانت مريره
وكأنك فى لحظه ولید
شوفت قلب كان حزين
جاله حب خلاه سعيد

هى زى ما هى

هى زى ما هى

وقلبها حيران
ياترى بحبنى
ولا سابنى وخان
الليل ف بعده قاتلنى
تعبانه م الحرمان
وحشانى منه كلمه
ولمسه ويا حنان
الناس تشوف القمر
على ضيه الحبيب سهران
لكن ف بعد حبيبي
ليا معدشى بيبان

عارفين غربه يعنى إيه ؟!

يعنى سنين تمر بينا

ما تتحسبش

يعنى يوم يكرر نفسه

وكل يوم ما يتغيرش

يعنى الحنين والاشتياق

لو مكالمه بالساعات

بس برضو ما بتفرقش

عارفين غربه يعنى ايه

يعنى السكوت وسط الكلام

والاستماع دون اهتمام

والدموع تترجاها ما تنزلش

تسرح فى الماضى بالساعات

وتشوف شريط الذكريات

وتندم لموقف ليه ماضحكش

عارفين غربه يعنى ايه

يعنى اعدام الحنين

يعنى سرقة السنين

وطبع ناس حواليك مايتفهمش
 تنسى العادات والتقاليد
 وتعيش اعمال ومواعيد
 وعن همومك ماتتكلمش
 اغراب يادنيا ومشتاقين
 للحبايب نظره عين
 دا القرب منهم مايتوصفش
 عارفين غربه يعنى ايه
 انك تموت بالحياه
 وتدور بس عل طوق نجاه
 امتى يابلدى تحرمينى ماتغربش
 مشكلتى يابلدى انى طموح
 وطموحى فيكى زاد جروح
 وان قولت بحبك اه مانكرش
 الغربه كربه واللى قالها
 ايوه فعلا ماكذبش

لبيك ياربى لبيك

نسعد ياربى بين يديك

لبيك اللهم لبيك

لا ملجأ منك الا اليك
اشتقتنا يارب وجايين
نحج بيتك فقبلنا
نطوف ونسعى وندعوك
ماتخيب يارب امالنا
بدموعنا على عرفه نلبي
ندعوك يارب ارحمنا
شاهد على اللى ف قلوبنا
عالم يارب بالحوالنا

طار الكلام واتنسى

طار الكلام واتنسى
والفكر مالى راسى
وحبيبى لما اشوفه
بحبس انا انفاسى

امتى اضم حبيبي
ويبقا اهلى وناسى
من يوم ماقلبي حبه
ولا دقه كان ناسى
تعالو يا اهل الهوى
واتعلمو احساسى
القرب هو الدوا
والبعد فيه قاسى
مركبى فى بحر الغرام
وقلبي فيه راسى
قلب حبيبي كنوز
فيه ذهبى وكمان ماسى

كتبنا أشعار عن الهم

لا خلص الهم ولا اتلم.
بحبر دموعنا كتبنا سطور.
لا نفعا خال ولا عم.
وهى الدنيا ايه غير يوم.
واخرتها فى التراب نتلم.

يوم وفاتي مش معلوم.
ولا اقدر احسب عمرى كم.
ولغز الدنيا مش مفهوم.
والحظ واقف شايفه اصم.
يابخته اللى فيها مظلوم.
دا اجره عند ربه اهم.
ياريت الصحه بس تدوم.
ورحمة ربى بيا تضم

كل سنه وانت بصحه وفل

كل سنه وبخير علينا تطل
وبطية قلبك يا حبيب الكل
كل سنه وانت مننا وفينا
وبالحب نحقق امانينا

وبعوده عليك وعلينا
وفى عيد ميلاد نهديك
ياحبيبنا روحنا واعيننا

مولد نبى الهدى

نفسى اكتب عنك يانبى
واقول كثير. اشعار

كل الشعر مايكفيش
وقلمى وقف واحترار

بصلاتي عليك يا محمد
بلاقي الدموع تنهار

يا احمد. ياطه. يازين
يارحمه. من القهار

يهودي كان. يأذك
وانت تروحله. الدار

علمتنا السماحه
وقلوبنا. تبقا عمار

ياشفيعنا يوم العرض
يانعمه. م. الستار

يا ابا. فاطمه الزهراء
يا نبى الهدى المختار

يا جد الحسن والحسين
يا كامل. الانوار
ربنا يجمعنا. بك
فى. جنة. الابرار

الحكم بالمظاهر

حكما وخذنا قررتنا
نبعد عنهم وننساهم

يحفظنا ربنا منهم
ممنوع العشره وياهم

واحد شكله متعكر

وشايل الهم ومفكر

لايمكن همه يدبر

وواحد وشها مكشر

عايزاها فزدق مقشر

والتانى سايبها ومسلم

وحالف فيها مايتعلم

والست برضو حشريه

وتملى ديمآ نكديه

معقوله الدنيا واخداهم

هندخل جوا دايرتهم

نتعرف برضو بحالتهم

دی ممکن دنیا ظالمهم
لاقینا جوا فی حکاوی

فیها قلوب طالیهما النار
وبالحب قلب کان ناوی

وادی ورود مالیه الشوک
وهموم اشکالها ف اغانی

وبطل القصه والظالم
طلع من الظلم بیعانی

والوش اللی فیہ تکشیر
اصلہ فی الاصل دا انانی

والفكر اللى كان مخلوف
طالب عودته تانى

وورا كل حدوته
حاجه حلوه عجبانى

حاله خفيه بافعالها
والخير جواها ربانى

عشان تثبت لنا نشوفها
ومايكنش حكمنّا مظاهر

فى ناس الحزن بموتها
وبالفرح ديمّا ببتظاهر

وناس تشوفها الصوره ملاك

بس القلب مش طاهر

ولسه الدايره مقفوله

ولعب الحظ كان ماهر

ياناس ياغاويه حكاوى الناس

اختار لنفسك دور قاهر

ودور الضحيه انساه

الكل بينسى ومش فاكر

ياللى سامعنى وشايفنى

هتحكم لسه بمظاهر ؟

إرجع واكتب اشعارك

وسلاحك قلمك خذ تارك
وكل اللي ف نفسك قوله
يمكن ترتاح تبرد نارك
واحساسك خليه فياض
وحبيبك قلبه يكون دارك
ودارى جراحك وداويها
ماتذلس نفسك بااعذارك
وحبيبتك خليها فراشه
طايره ف بستان افكارك
هتחס ساعتها بفرحتها

وادعولكم ف الفرحة وبارك

حوشى بناتك يا جاره

حوشى بناتك يا جاره
ساميه وسميره وساره
ناقصلى شويه واتجنن
واتحدف. بالحجاره

وانا خارج من. الكليه
والناس ف الشارع بالميه
وبناتك ثلاثه واقفين
عايزينى اركب سياره

حوشى بناتك يا جاره

ساميه وسميره وساره .

يجى عريس لاختى ياسمين
وبناتك ثلاثه واقفين
يشوفهم يوقف يتجنن
وينزل يجرى فى الحاره

حوشى بناتك ياجاره
ساميه وسميره وساره

كلام تليفون بالساعات
واقول بقا عيب انتو بنات
ابويا زهق من الفاتوره
قام قاطع عنى الحراره

حوشى بناتك ياجاره

ساميه وسميره وساره

دا كله عشان مره عاكستهم
امال لو كنت بحبهم
كانو خلوني مجنون صح
واقف متسول فى اشاره

حوشى بناتك ياجاره
ساميه وسميره وساره

ساميه معاها اعداديه
وسميره واخده الثانويه
وساره بقالها خمس سنين
فى دبلوم التجاره

حوشى بناتك ياجاره

ساميه وسميره وساره

قولت هزل م الشرقية
عشان تبقى ياچاره مرضيه
قولت ههاجر بره مصر
لاقيتهم معايا ف الطياره

حووووووووووشى
بناتك. يا جaaaaaaaaااره
ساميه وسميره. وساره

الطبيعى إنى أحبك

نرسم كل ضحكه حلوه
السما تصفى لاجلك
بحر هوايا موجه على
حالى انى غريق ف قلبك
بس قلبك ليا مرسا
كنتى هاديه جوا نفسك
مفكرتش مره اسيبك
ولا تبقا طريقى عكسك
تيجى اجر ب يلا اعاكسك
يللى تملى قلبى حاسك
اقوله ايه لو غيبتى عنه
صافى قلبى وحبه لامسك
فكرى ديما فى ملامحك
اشوف نفسى جوا همسك

بينى وبينها

بينى وبينها حب مدفون
حب تايه حب ضايع
حب ف قلوبنا مسجون
محكوم عليه مايشوفش نور
وقلوبنا نار بس ف سكون
ونقول لبعض ايه مصيرنا
الله اعلم ايه هيكون
بس العذاب مابقفش لحظه
والانين ليله جنون
وازاى هنعلم ف الليالي
والنوم مفارق الجفون
وعصفور هوانا يستريح
ومتقطعه كل الغصون
وازاى نحس كلمه حلوه
والدمع مليون ف العيون

كان زمان القلب جافى
جاله حب خلاه حنون

محتوى الكتاب

م	المحتوى	الصفحة
#	بطاقة الكتاب	2

3	إهداء	#
4	رسالة إلى قلبي	1
7	صورة في خيالي	2
9	ألم	3
12	آسف يادنيا	4
15	تعجبني دى	5
19	وبعد هالك يابلد	6
21	مالك يادنيا	7
23	ثوار ضد التيار	8
29	ناس وناس	9
32	إنتى مين	10
36	مشتتين	11
39	حاسة بيا	12
42	تاھت المعالم	13
46	التانى	14
49	لحظة حب	15
52	الساقية	16
54	برود وطنى	17
57	مسحراتى	18
60	حال الدنيا	19

63	أُمى	20
67	الشيطان رافع قضية	21
70	حيرنى حبيبى	22
73	خلى الحب حبه حبه	23
74	هى زى ما هى	24
78	لبيك ياربى لبيك	25
79	طار الكلام واتنسى	26
81	كتبنا أشعار عن الهم	27
82	كل سنه وانتى بصحة وفل	28
83	مولد نبى الهدى	29
85	الحكم بالمظاهر	30
90	أرجع واكتب أشعارك	31
91	حوشى بناتك يا جاره	32
95	الطبيعى إنى أحبك	33
96	بينى وبينها	34
98	محتوى الكتاب	#

